



Inatsisartunut ilaasortaq Ane Hansen
Inatsisartut
/MAANI

Akissut § 37 nr. 2015-240, sumiiffinni titarnerit avataanni pisassiissutinut ilaangitsumi qaleralinniarfiusut pillugit

08-10-2015
Sags nr. 12197
Dok. nr. 1319018

Inatsisartut Suleriaasianni § 37, imm. 1 naapertorlugu Naalakkersuisunut apeqquteqarputit, qaleralinniarnermi aqutsiveqarfinni Qeqertarsuup Tunua, Uummannami kiisalu Upernavimmi pisassiissutinut ilanngaataangitsumik aalisarsinnaanermut tunngatillugu. Aamma ilanngullugu Naalakkersuisunut apeqqutigivat pisassiissutinut ilaangitsumi qaleralinniarnermut tunngatillugu allannguiniarnersut. Apeqqutit uannut akineqartussanngortinneqarsimapput.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Apeqqutit:

1. Qaleralinniarnermi aqutsiveqarfinni Qeqertarsuup Tunuani, Uummannap, Upernaviullu eqqaani killeqarfiit killeqangitsumik aalisarfiusinnaasut pillugit nalunaarusiaq qaqugu avammut saqqummiunneqassua ?
2. Killeqangitsumik aalisarfiusinnaasut pillugit allangortitsinissaq siunertaralugu Naalakkersuisut suliaqarniarpaat ?
3. Nalunaarummi allanguutissanik suliarinnittoqassappat qanoq allanguisoqarniarpa ?
4. Killeqangitsumik aalisarfiusinnaasuni unioqqutissilluni aallisartoqarsimaneramik unnerluussinerit qassiuppat ?

Akissut:

1 pillugu:

Aalajangersakkat sumiiffinni titarnerit avataanni pisassiissutinut ilaangitsumi qaleralinniarnermi aalisarfiusinnaasut pillugit Aqutsiveqarfiusuni Qeqertarsuup Tunua, Uummannaq kiisalu Upernavimmi takuneqarsinnaavoq Namminersorlutik Oqartussat Nalunaarutaat nr. 11, 28. august 2014-imeersumi sinerissap qanittuani qaleralinniarnermi. Maanna ukioq ataasinnorpoq Nalunaarutip atuutinneqalerneranit. Aalisarnermut Piniarnermut Nunalerinermullu Naalakkersuisoqarfiup qanimut aalisarneq malinnaaffigaa Aqutsiveqarfinni Qeqertarsuup Tunuani, Uummannami kiisalu Upernavimmi aamma Naalakkersuisut siunertaraat aaqqiissutaasimasooq ukioq ataatsip ingerlasimalernerata kingorna nalilersuiffigissallugu.

Naalakkersuisut anguniagaraat politikikkut aalajangiinerit ilaatigut paasissutissanik eqqortunik tunuliaquteqartarnissaat. Aalisarnermik Piniarnermik Nunalerinermullu Naalakkersuisoqarfiup matumani aalisarnermit paasissutissanik eqqortunik katersilluni aallartissimavoq tassa aaqqiissutip nalilersornissaanut taamaasilluni aalisarneqartut pillugit paasissutissanik pissarsilluni. Nalilersuinerit tamarmik pisimalerpata, taava aalajangissaanga Nalunaarut atuuttoq aaqqiissuteqarfiginissaanut pisariaqartitsisoqarnerisooq.

2 pillugu:

Apeqqutit siulliup akissutaanut innersuussivunga.

3 pillugu:

Apeqqutip aappaata akissutaanut innersuussivunga.

4 pillugu:

Tamanna upernaq inatsisartut ataatsimiinneranni 30-it sinnerlugit unioqqutitsisoqarsimasoq oqariartuutigineqartaraluarpoq taamaattoq paasissutissat KANUAANA-mit pissarsiat malillugit arfineq marloriarluni unnerluussisoqarsimavoq 2014-imi sumiiffinni titarnerit avataanni pisassiissutitut ilaanngitsumi aalisarfiusinnaasuni unioqqutitsilluni aalisartoqarneranit , taakkua tamarmik eqqartuussinikkut inernissaat utaqqineqarpoq.

2015-imi unnerluussisoqarsimanngilaq.

Inussiarnersumik inuulluaqqusillunga

Karl Kristian Kruse